

Mensahe 4

Magpabilin ni Cristo nga Tinuod nga Punoan sa Paras

Basahong Kasulatan: Juan 15:1, 4-5, 7; 1 Juan 2:6, 27-28; 3:24; 4:13, 15; Rom. 8:4

I. Niingon si Ginoong Jesus, “Ako ang tinuod nga punoan sa paras”—Juan 15:1a; itandi sa Bug. 14:18:

- A. Kining tinuod nga punoan sa paras (ang Anak) ug ang mga sanga niini (ang mga magtutuo diha sa Anak) mao ang organismo sa Tulo-usang Dios sa pamatigayon sa Dios.
- B. Nagtubo kining organismoha ug ang Iyang kadato ug nagpadayag sa Iyang dios-nong kinabuhi.

II. Isip mga sanga sa punoan sa paras, magpabilin gyod ta niini—Juan 15:4-5:

- A. Ang pagkaanaa sa Ginoo may kalabotan sa pagkausa; ang pagpabilin sa Ginoo may kalabotan sa pakig-ambitay—1 Cor. 1:9, 30.
- B. Nag-agad sa pagkakita nato sa klarong panan-awon nga mga sanga ta sa punoan sa paras ang pagpabilin nato ni Cristo; makita ngani nato nga mga sanga ta sa punoan sa paras, mintinahon gyod nato ang pakig-ambitay tali nato ug sa Ginoo—Juan 15:2.
- C. Ang Cristohanong kinabuhi kinabuhi mang nagpabilin sa Ginoo—1 Juan 2:6, 27-28; 3:24; 4:13, 15.
- D. Ang pagpabilin nato ni Cristo maoy kondisyon sa pagpabilin Niya kanato—Juan 15:5a.
- E. Bulag sa punoan sa paras, balewala ta, wala tay nahot, ug wala tay arang mahimo—v. 5b.
- F. Sa diha lang magpabilin ang mga sanga sa punoan sa paras nga mahimo kining tanan alang nila.

III. Magpabilin ta ni Cristo aron magpabilin Siya nato pinaagi sa pagtagad nato sa sulodnong pagtudlo sa malangkobon-sa-tanan nga pagdihog—1 Juan 2:27:

- A. Magpabilin ta sa diosnong pakig-ambitay ni Cristo pinaagi sa pagsinati sa paghugas sa dugo sa Ginoo ug sa pag-aplikar sa pagdihog sa Espiritu sa atong sulodnong pagkatawo—Juan 15:4-5; 1 Juan 1:5, 7; 2:20, 27.
- B. Si Cristo nga Ulo mao ang Dinihogan ug ang Nagdihog, ug mga bahin ta Niya nga nagpahimulos Niya nga sulodnong pagdihog aron matuman ang Iyang tuyo—Heb. 1:9; 3:14; 2 Cor. 1:21-22.
- C. Ang pagdihog, nga paglihok ug pagbuhat sa sinagol nga Espiritu sa sulod nato, nagdihog og Dios kanato aron masuroman ta sa Dios, mapanag-iyang ang Dios, ug makasabot sa hunahuna sa Dios; gipalatay sa pagdihog ang hunahuna ni Cristo nga Ulo sa Lawas ngadto sa mga bahin Niya pinaagi sa sulodnong pagbati, sa sulodnong pamatyag, sa kinabuhi—Sal. 133; 1 Cor. 2:16; Rom. 8:6, 27.

IV. Ang pagpabilin nato sa Ginoo pagka-usa ka espiritu man nato Niya, sa ato pa, pagkinabuhi diha sa nasagol nga espiritu—1 Cor. 6:17:

- A. Ang pagkamao sa Bag-ong Tugon mao ang duha ka espiritu—ang diosnong Espiritu ug tawhanong espiritu—nga nasagol pag-usa—v. 17; Rom. 8:4.
- B. Ang pagkausa ning duha ka espiritu maoy kinalawmang misteryo sa Biblia.
- C. Nagpakita ang pamulong *usa ka espiritu* sa pagkasagol sa Ginoo nga Espiritu sa atong espiritu—1 Cor. 6:17:

1. Ang espiritu, nga pagkasagol sa atong espiritu ug sa Espiritu sa Ginoo nga usa ka espiritu, mao ang Espiritu sa Ginoo ug ang atong espiritu—Rom. 8:4; 2 Cor. 3:17; 1 Cor. 15:45.
 2. Ang tanang espirituhanon natong kasinatian, sama sa pakig-ambitay nato sa Ginoo, pag-ampo nato Kaniya, ug pagkinabuhi nato uban Niya, naa man ning nasagol nga espiritu.
- D. Ang sentro sa pamatigayon sa Dios mao ang nasagol nga espiritu, ang diosnong Espiritu nga nasagol sa tawhanong espiritu; may kalabotan ning sentroha ang bisan unsang buot buhaton o humanon ba sa Dios—Efe. 3:5, 9; 1:17; 2:22; 5:18; 6:18:
1. Sa pagka-usa ka espiritu nato sa Ginoo, masinati nato Siya nga malangkobon-sa-tanan—1 Cor. 1:2, 24, 30; 2:7-8, 10; 3:11; 5:7-8; 10:3-4; 11:3; 12:12; 15:20, 23, 45, 47.
 2. Makasinati ta ni Cristo ug himoon nato si Cristo nga tanan kay usa ka espiritu na man ta Niya.
 3. Bisan kinsang na-usa ka espiritu sa Ginoo, dili gyod mahurot ang sangkap.
- E. Ang nasagol nga espiritu espiritu mang na-usa ka espiritu sa Dios ug sama sa Dios sa Iyang kinabuhi ug kinaiya apan dili sa ranggo sa pagka-Dios Niya—1 Juan 5:11; 2 Ped. 1:4:
1. Nasagol pag-usa sa sulod nato ang diosnong Espiritu ug tawhanong espiritu aron makakinabuhi ta sa kinabuhi sa Dios-tawo, sa kinabuhing Dios apan tawo ug tawo apan Dios—Gal. 2:20; Fil. 1:19-21a.
 2. Ang Dios-tawong pagkinabuhi pagkinabuhi man sa duha ka espiritu nga nausa ug nasagol pag-usa.
- F. Ang ma-usa ka espiritu sa Ginoo nagpasabot nga naa ta Niya ug naa Siya nato ug nga kita ug Siya usa ra sa kinabuhi—Juan 3:16; 1 Juan 5:12.
- G. Aron mahustong mga Cristohanon, masayod gyod ta nga si Ginoong Jesus karon nga pagkalawas sa Tulo-usang Dios mao ang Espiritung nagpuyo sa atong espiritu ug nasagol sa atong espiritu—2 Cor. 3:17; 1 Cor. 15:45; 6:17.
- H. Gipangayo sa Biblia nga maggawi ta uyon sa nasagol nga espiritu—Rom. 8:4:
1. Mapalgan ang sekreto sa tanang butang diha sa kahibulongang Espiritu nga naa sa gipanganak pag-usab nga espiritu nato ug na-usa ka espiritu sa atong espiritu.
 2. Ang magkinabuhi diha sa espiritu pagpapuno ug pagpasurop man ni Cristo kanato hangtod matuhopan Niya ang tibuok natong pagkatawo ug sa ingon niana mapadayag Siya pinaagi nato—Efe. 3:17.
 3. Ang pagpabilinay sa Juan 15:4-5 pagbatasan man sa pagka-usa ka espiritu sa Ginoo.

V. Ang epektibong mga pag-ampo lugwa man sa pagpabilin nato sa Ginoo ug sa pagpabilin sa Iyang mga pulong kanato—v. 7:

- A. Ang pag-ampo maoy pagbulig ug pagbuhat pag-usa sa tawo sa Dios, papadaygon ang Dios sa Iyang Kaugalingon pinaagi sa tawo ug sa ingon niana matuman ang tuyo Niya; ang tawong nag-ampo mobulig sa Dios, mobuhat pag-usa sa Dios, ug papadaygon ang Dios sa Iyang Kaugalingon ug sa tinguha Niya gikan sa sulod niya ug pinaagi niya—Rom. 8:26-27; Sant. 5:17:
1. Ang pag-ampo pag-agay man tali sa tawo ug sa Dios ug pagkontakay tali sa tawo ug sa Dios.
 2. Ang tinuod nga kahulogan sa pag-ampo pagkontak man sa Dios sa atong espiritu ug pagsuyop sa Dios mismo—Efe. 6:18.

3. Ang paagi nga makasinati ni Cristo nga nagpuyo sa sulod ug magkinabuhi ni Cristo pag-ampo man sa tinuod nga paagi—Col. 1:27; 3:4; Fil. 1:20-21a.
 4. Nagkinahanglan ta sa pag-ampong makapakontak nato sa Ginoo, sa pag-ampong makapa-usa nato Niya sa atong espiritu—2 Tim. 4:22; 1 Cor. 6:17.
- B. Sa magpabilin ta sa Ginoo, ug magpabilin ang Iyang mga pulong kanato, duna unyay tinguha sa sulod nato nga naggikan sa Iyang mga pulong—Juan 15:7; 1 Juan 5:14-15:
1. Makatandog ta sa pagbati sa Ginoo ug makasabot sa Iyang tuyo; natural dayon kaayong maanaa na nato ang Iyang tinguha.
 2. Mahimong tinguha nato ang Iyang tinguha, ang gusto Niya mao sab gyod ang atong gusto, ug moampo ta sumala ning tinguhaa.
 3. Tubagon sa Ginoo kining pag-ampoa kay lugwa man kini sa pagpabilin nato sa Ginoo ug sa Iyang mga pulong nga nagpabilin nato.

VI. Kon magpabilin ta ni Cristo ug magpabilin Siya nato, mabatonan nato ang iglesiahanong kinabuhi—Juan 15:4-5; 1 Cor. 1:2, 9, 30; 12:27:

- A. Mabatonan lang nato ang tinuod nga iglesiahanong kinabuhi pinaagi sa pagkinabuhi sa nasagol nga espiritu; magpabilin gyod ta ning nasagol nga espiritu alang sa iglesiahanong kinabuhi—1:2; 12:27.
- B. Ang iglesiahanong kinabuhi kinabuhi mang naghigugmaay sa usag usa—Juan 15:12, 17.
- C. Kon magpabilin ta ni Cristo nga punoan sa paras, makaambit ta sa matahom nga pag-ambitayay sa mga masigka-sanga—vv. 4-5; 1 Juan 1:3-7.